



Broj: UV-150-01-1- 2308-9 /21 ŽB
Sarajevo, 22.12. 2021. godine

Na osnovu člana 69. stav (2) alineja e) i člana 70. stav (4) Zakona o javnim nabavkama (Službeni glasnik BiH, 39/14), člana 49. stav (2) Pravilnika Centralne banke Bosne i Hercegovine, broj: UV-104-01-1-116/15 od 28. decembra 2015. godine, broj: UV-122-01-1-1045-11/21 od 28. aprila 2021. godine i broj: UV-104-01-1-1425-15/21 od 29. juna 2021. godine, člana 13. stav (3) Pravilnika o javnim nabavkama, broj: UV-150-01-1-1467-3/20, od 27. jula 2020. godine, Upravno vijeće Centralne banke Bosne i Hercegovine na 16. sjednici od 22.12.2021. godine, donosi

ODLUKU

o poništenju postupka javne nabavke robe – električna energija – lot 1 i lot 2

Član 1.

(1) Centralna banka Bosne i Hercegovine (u daljnjem tekstu: Centralna banka) poništava postupak javne nabavke robe – električna energija, za sljedeće lotove:

- lot 1 - električna energija za potrebe Centralnog ureda Centralne banke, procijenjene vrijednosti nabavke od 152.000,00 KM;
- lot 2 - električna energija za potrebe Centralne banke – Glavna jedinica Sarajevo, procijenjene vrijednosti nabavke od 19.700,00 KM.

(2) Postupak se poništava jer je cijena jedine prihvatljive ponude znatno veća od sredstava koje je Centralna banka osigurala za nabavku električne energije.

Član 2.

Centralna banka će o rezultatima provedenog postupka javne nabavke obavijestiti ponuđača.

Član 3.

Za realizaciju ove odluke zadužuju se Odjeljenje za računovodstvo i finansije i Odjeljenje za javne nabavke Centralnog ureda Centralne banke.

Član 4.

Ova odluka će se objaviti na web stranici Centralne banke www.cbbh.ba istovremeno s upućivanjem ponuđaču koji je učestvovao u postupku javne nabavke, u skladu s članom 70. stav 6. Zakona o javnim nabavkama („Službeni glasnik BiH“, broj: 39/14).

O b r a z l o ž e n j e

Postupak javne nabavke robe – električne energije, za potrebe Centralne banke, otvorenim postupkom, pokrenut je Odlukom broj: 150-15-4-1941-9/21 SAK od 17. novembra 2021. godine.

U skladu s tim, Centralna banka je 19. novembra 2021. godine na portalu Javnih nabavki objavila Obavijest o nabavci broj: 1370-1-1-566/21.

U predviđenom roku za dostavljanje ponuda, blagovremeno je dostavljena jedna ponuda za lot 1 i lot 2, ponuđača JP Elektroprivreda Bosne i Hercegovine d.d. Sarajevo.

Komisija nadležna za provođenje postupka javne nabavke je izvršila pregled i ocjenu pristigle ponude i zaključila da je ponuđač dostavio sve dokumente, tražene tenderskom dokumentacijom. Međutim, cijena ponude je znatno veća od sredstava koje je Centralna banka osigurala za nabavku električne energije.

Cijena ponude za lot 1 iznosi 263.297,60 KM, bez uračunatog PDV-a, dok procijenjena vrijednost nabavke (bez uračunatog PDV-a) iznosi 152.000,00 KM.

Cijena ponude za lot 2 iznosi 45.831,45 KM, bez uračunatog PDV-a, dok procijenjena vrijednost nabavke (bez uračunatog PDV-a) iznosi 19.700,00 KM.


Postupajući prema odredbama člana 69. stav (2) alineja e) Zakona o javnim nabavkama, Komisija je Zapisnikom o pregledu i ocjeni ponuda, broj: 149-15-4-2283-5/21, od 06. decembra 2021. godine, dala preporuku za poništenje ovog postupka javne nabavke.

Pouka o pravnom lijeku:

Protiv ove odluke može se, u pisanoj formi, uložiti žalba Centralnoj banci Bosne i Hercegovine u roku od deset dana od dana dostavljanja ove odluke.

Predsjedavajući Upravnog vijeća
Centralne banke Bosne i Hercegovine

GUVERNER
dr. Senad Softić



Dostaviti:

- guverneru;
- viceguvernerima;
- Uredu glavnog internog revizora;
- sekretaru Upravnog vijeća i Uprave;
- predsjedniku komisije;
- Odjeljenju za zajedničke poslove;
- Glavna jedinica Sarajevo;
- Odjeljenju za računovodstvo i finansije;
- Odjeljenju za javne nabavke;
- JP Elektroprivreda Bosne i Hercegovine d.d. Sarajevo